

福建金石志卷二十三

附錄一 硯

真西山硯 以下宋

共極堂

馮志云左足有共極堂三字隸書在浦城祖氏

謝文節硯

橋亭卜卦硯

此石吾友也不食而堅語有之人心如石不如石堅誰似當年採薇不食
守義賢也

程文海銘

宋謝侍郎硯

大明永樂丙申七月洪水去橋亭易爲 先生祠扣地得之閩後學趙
元□□

福建金石志 附錄一

一

金石萃編云按宋史傳稱謝枋得字君直寶祐中舉進士乙科除撫州
司戶參軍德祐元年知信州二年呂師夔定江東地枋得以兵逆之敗
奔信州師夔下安仁進攻信州不守枋得入建甯唐石山寓逆旅中已
而賣卜建陽市中有來卜者惟取米屨而已元至元二十三年集賢學
士程文海薦宋臣二十二人以枋得爲首辭不起二十五年福建行省
叅政魏天祐欲薦枋得爲功枋得見天祐傲岸不爲禮天祐怒強之而
北枋得卽日食菜果二十六年四月至京師問謝太后攢所及瀛國公
所在再拜慟哭已而病遷憫忠寺見壁間曹娥碑泣曰小女子猶爾吾
豈不汝若哉留夢炎使醫持藥雜米飲進之枋得棄於地終不食而死
橋亭福建通志在建陽縣南朝天橋舊名濯錦明永樂十四年圯於水
十七年縣丞趙璧重建橋上有謝疊山祠祀宋謝枋得枋得嘗賣卜於
此橋上邑人祀之此橋亭卜卦硯之可考者也硯銘識云云此銘爲閩
人趙元所鐫而云程文海銘宋謝侍郎硯疊山官止於知信州未嘗爲

侍郎其號疊山者謫居興國軍時謫所有西山層疊因有千載西山疊
疊青之句遂以自號云疊山文集後附行實不著撰人時代姓名有云
至元甲申黃華平大赦枋得乃出得還寓於茶坂設卜肆建陽驛橋榜
曰依齋易卦小兒賤卒亦知其爲謝侍郎也侍郎之稱蓋始見於行實
朱彝尊曰下舊聞引韓襄毅公集載韓雍請諡宋臣謝枋得疏竊見宋
禮部侍郎謝枋得乞勅禮部翰林院議加贈諡云云是韓雍具疏以前
先有禮部侍郎之官究不知加於何時程文海字鉅夫避武宗廟諱以
字行元史傳稱鉅夫至元二十三年乞遣使江南搜訪遺逸三十年出
爲閩海道肅政廉訪使是疊山之被文海薦在二十三年其被強入都
不食而死在二十五年硯銘皆述疊山不食之事似乎疊山入都時未
嘗携此硯行卒後流傳人間而鉅夫官閩海因以銘之據陳太常兆崙
詩註稱文海任廉訪使時始獲此硯沈埋建陽橋下由亭吏失守所致
越百二十餘年之後因建橋而掘土得之又越三百年輾轉入於京師

福建金石志

附錄一

二

爲宛平查氏所得查諱禮字恂叔號鐵橋海內文人多作詩詞爲上下
二卷併摹硯形銘記刻以傳世名卜硯集

衍案擇石齋詩集宋謝文節公橋亭卜卦硯歌序云硯長尺一寸濶六
寸額篆橋亭卜卦硯五字左右邊兩行草書此石吾友也云云轉背左
題程文海銘右題大明永樂丙申七月洪水去橋亭易爲先生祠扣地
得之閩後學趙元口中題宋謝侍郎硯天津周上舍月東購得此而太
平守查恂叔心愛之月東臨歿遺書萬里以贈今藏恂叔所此序載硯
上款識視萃編較明且在萃編前故錄之惟趙元下各本或泐兩字或
泐一字若泐一字當係記識等字若泐兩字則趙或係二名趙之事蹟
旣不可攷則翁方綱吳省欽各家徑稱爲閩趙元者未必是矣復初齋
文集謂謝爲禮部侍郎詳李燾長編至載硯銘多出紫端留語等數字
又自注以爲當刪白華詩序則以硯爲歙材陳太常以銘爲鉅夫官閩
時所作竊謂疊山先生入都時若携此硯自隨則死後爲鉅夫所得其

勢甚順若不携此硯任其失落於建陽則謝去在至元二十五年之間鉅夫三十年方入閩中隔四五年硯轉不易得見矣此事無確據只可傳疑也

鄭漁仲硯

夾漈草堂 鄭樵記

馮志云硯長六寸廣四寸高四寸背有夾漈草堂四行書左足有鄭樵記三篆文爲磨刀痕所傷乃莆田鄭氏物也右旁有紀昀銘云惟其書之傳乃傳其研鬱攸於予心匪物之玩十八字行書左旁有邵公齊然銘云曉嵐受詔續通志漫士先生以來漈舊硯贈之閩谷居士爲之銘曰墨繡斑斑閱人幾觚稜剝缺字不毀夾漈有靈式憑此六百年後待吾子時乾隆丁亥正月共六十一字石材黝潤乃峽羊老坑道光甲申余官榕城李蘭屏太史携以見示因跋拓本而歸之

衍案漫士裘文達曰修號閩谷邵齊然號齊然齊燾兄弟梁茵鄰先生

福建金石志

附錄一

三

於揚州購得此硯見歸田瑣記

謝在杭硯銘

以下明

而產端而欸端是用而案端

課餘偶錄云予家藏小方硯先太祖所留傳也蓋上有銘云云系曰先方伯在杭公銘硯語庚寅花朝友人陳松慶鐫於池館之上漁山山人敬識接銘語見小草齋文集卷二十五此詩家所謂獨木橋體也其源出湯盤

衍案此銘雖不刻於在杭然在杭所作不能不列諸明代也

徐幔亭硯識

隸書

幔亭珍匪

課餘偶錄云隱拙齋集所載漁洋結緣硯旁有幔亭珍匪古隸書幔亭者吾鄉徐惟和燭也蓋此硯乃惟和之物阮亭得之

端石兔硯銘

有序

天啓丁卯冬得端石硯一爲兔形蹙縮其首趯曲其足成圓相砥其腹受墨圩所砥前端受水製頗不俗予愛之作銘十六字刻竟以與魏砥石剏肌取象習坎女近法之而章於閭

衍案右見韓錫榕庵集魏錫子小名

蔡忠烈硯

古香古色

余司理長沙時山賊戒嚴環甲出西郊見土人掘地得殘瓦一片余摩挲拂拭見其古色斑斕可爲硯用因命工琢成之其溫膩細滑潤澀相宜雖非秘比雀臺亦可與崑山片玉相媲美矣軍旅偶閒因援筆以記崇禎癸未夏日晉江蔡道憲識

頃山賊戒嚴江門司理撫民西郊偶得殘瓦爲硯已自題識更屬余銘茲不揣淺陋勉綴數字於額時癸未夏日古滇周二南題識

昔江門先生得殘瓦成硯以示余觀其斑斑斕斕如玉溫理可謂墨林

福建金石志

附錄一

四

妙品及先生殉難後此硯不知所歸適有村人持以求售忽覩先生遺澤不禁泫然涕零竊念先生忠烈固與日月常昭而斯硯亦當垂諸不朽爰是購之不啻吉光片羽謹爲什襲以藏崇禎甲申秋日幼隗郭金臺謹跋

暝庵二識云明季張獻忠犯長沙衆官或降或遁推官蔡道憲獨率士民固守城陷被殺國初賜諡忠烈長沙人至今祀之新建夏芝岑觀察嘗購得其遺硯武陵楊性農太史爲之銘曰遺此雲腴曠世靡主乃相新建可託不腐是用餉遺以佐毫楮長三寸八分廣三寸四分左右微缺狀如漢瓦額有古香古色四隸字有蔡公自記云云旁有行書云云右方復有記云云

衍案此硯從橫皆不過三寸餘而銘識凡二百五十餘字雖蠅頭小楷亦無以容之矣

黃石齋斷碑硯

斷碑

金石契云右蘇文忠墨妙亭詩殘石石齋黃公得之琢爲硯存字四行曰吳越勝事書來乞詩要尾書谿藤視昔過眼凡十又七言吳興姚玉裁世鈺所藏後歸桐鄉汪氏

金石沽錄云石背爲圓凹以受墨下有道周二字陽文長印右方有銘云身可污心不辱藏三年化碧玉十二字硯廣四寸高三寸

朱辰應記云先太傅文恪公舊藏米海岳硯山閱三傳至公會孫竹垞太史携至京師王尚書阮亭見之嘆爲奇物賦長詞焉先時公少子尙

寶公

諱大定

曾出以贈公門下士石齋黃公公以先師所寶不敢受祇題

斷句四章而去太傅文孫上舍

諱茂賜

闡德錄疏其事且云行笈中止斷

碑一硯則是物蓋早與石齋周旋矣其後石齋譴戍下獄備歷艱苦是硯蓋亦患難中一友也讀其銘詞猶可想見

厲鶚詩序云東坡先生墨妙詩殘刻十七字石齋黃公得之琢其背以

福建金石志

附錄一

五

受墨曰斷碑

丁敬詩序云上隸刻斷碑二字下勒道周小印土花周遭入手輕膩蓋古甄也

蔣士銓詩附識云表文達公曰修得斷碑硯高廣各三寸長四寸陽明先生謫龍場驛時得之碑乃東坡題墨妙亭詩存十二字凡四行曰鐙他年曰憶賀監曰時須伏曰孫莘老背面左刻守仁二楷字右刻篆書易明山人四字側刻分書驛丞署尾硯五字今按石齋之硯亦四行合之易明所得爲上截中尚隔四字耳

媿生叢談云硯有缺處用石末填補旁有道周小印及竹垞老人八分書銘十二字據儀徵張石樵先生味真閣集此硯爲曾賓谷都轉贈詹石琴孝廉物

衍案據各家說此硯惟斷碑二字爲石齋書而金石契金石沽錄皆未及沽錄但載十二字銘非有媿生叢談幾以竹垞之銘爲石齋之銘矣

綠端硯銘

面作兩月相啣窪者受水平者受墨細潤而堅扣之鏗狀真綠玉也崇禎丙子余得於莆田鄭氏寶之垂二十年老晦無文傷此硯之不時也感而銘之曰

日也淪淵籠月於烟兩丸合璧何時狀慎勿黑光交盪爲妖愆發爾曜靈棲九玄居狀化碧炤千年

衍案見寒支初集爲甯化李世熊舊藏

小綠端石硯銘

硯縱五寸橫三寸堅潤宜墨崇禎壬午余應郭宮詹之招携厯閩署踰歲而歸索硯亡矣懊而追銘之

予不耻人役惟爾田是食予翻然歸田爾棄予如擲豈華慕乘軒而管遽割席

衍案全上

福建金石志 附錄一

六

紫端研銘

羅素夫以紫端研見贈小而硜硜莫予類也遂拜而銘之銘曰

若摩頂而利人爾能若礪齒而炭是吞爾矜若蒙面處汗頑老而僕臣爾憎墨墨其氛無羹爾明爾亦丹厥心

衍案全上

林鹿原鳳池研銘

以下清

鳳鳴高岡亦集於池梧桐之枝鳴鳩之栖池水練威鳳飢化爲石兮文焉爲元紆銘佶書

清儀閣題跋云乾隆庚子秋日河莊陳鱣爲兎牀先生得之作拜經樓書畫研 嘉慶癸亥秋子律以此研贈叔未復屬陳鱣銘曰昔在小桐溪今入新篁里鳳兮鳳兮得所歸惟君子使胡不喜 郭元紆字于宮江都人官中書舍人有一鶴庵牛鳴雙樹等集 林佶字吉人侯官人王文簡之門弟子官中書舍人嘗自署云紫微內史工楷書 紫微內

史鳳池研海昌同年吳子律進士衡照所贈郭銘林書當在康熙五十年後同官內閣時內史工小楷書而八分亦妍媚帖妥會重摹玉枕蘭亭八分手跋正與此同蓋純學曹景完碑而未臻方勁古拙之最上乘也吳鬼牀先生東海耆英等身著述而仲魚子律皆英儒瞻聞之士洪筆麗藻之客一片石而傳人五余何幸而得附名其末哉

甲申正月

又篆書

曜合緯聯天降符撰賦紀瑞帝曰都鳳池捧硯徵斯圖 紫薇內史臣佶

恭紀

子正青跋云是硯□□□□中綴連五小眼爲日月合璧五星聯珠之祥憶先君丙戌曾獻是賦受知聖祖命直武英殿適獲此硯是真休徵之應耶子子孫孫其世守之

案正青字洙雲佶子以侯官歲貢生應薦授刑部學習行走改鹽大使

又八分書

福建金石志 附錄一

七

鳳閣侍書鶴巢小友

李彥章跋云彥章入直鳳閣後公一百有六年而所居小蘭話堂卽公西園別業是有墨緣也

梁章鉅跋云鶴巢在陶舫中今其趾已廢矣

案銘下有吉人之辭四字小方印

又八分書

外全其天內潔其形惟直方大永守吾貞 鹿原

案末有林佶兩印一印一字又且閑二字小胡盧印又長林小莊四字

小方印

又八分書

敢曰其人美如玉願借他山以爲錯

案末有林佶兩小印

又八分書

橐盛爲佳耳顧安所得長安米 鹿原

又篆書

小在掌握之內大則揮八極而搖五岳

案末有林信兩小方印

又余田生續銘 林銘篆書 余銘正書

離女一生則俗依女一生奚福不得不臧女于櫝

文之蹙如遠山質之秀可訂頑尋樂處對孔顏 甸

案林銘下有吉人之辭長林山莊兩小方印

又篆書

依吾身者將及紀從吾遊者萬餘里相吾書者億萬字是宜策勲酬吾子

案末有林亭二字小胡盧印吉人之辭小方印

又正書

水崖之精琢乃成子能寶之實家楨 峨兒來省侍携顧大家所製研乞

福建金石志 附錄一

八

銘因書付之丁酉冬日鹿原

子正青跋云此石乃舊坑溫而栗吾鄉多佳硯是石經顧氏手琢墨如

數百年物尤可玩

案顧氏蘇州顧二娘也

又正書

辛卯六月朔日購于燕市溫潤蒼壁真歛溪之僅見者 鹿原

又

歲壬午長至宣城梅雪坪潛江朱悔人海寧查夏重集麓原寓齋撫宣德
下巖寶光四射信爲巨觀夙好良集一段因緣堪傳勝事 濟南王士禛

識

衍案末有阮亭結翰墨緣二小印麓字於二木中加又阮亭不講小學
故也

林鹿原校書硯

姬巖環翠樓校書硯 吳門顧大家製

硯爲宣德時舊坑歲壬辰 先君子購於慈仁寺集磨礪於吳門女史顧氏揮毫于絲綸閣下者十有二年携歸偕隱未幾捐館舍越明年不戒肱篋遂入臺江江氏來歸于我公羊子曰寶玉大弓國寶也得之書喪之書子孫其世守勿替王子秋霜鐫此以志風木之感 在巖敬書

衍案首行篆書刻硯旁跋正書在硯背

余田生風字硯銘正書

右軍古式是生兩翼激起波文君子之德 銘風字硯

案田生名甸福清人寄籍南平康熙丙戌進士官至順天府丞

余田生竹節硯銘正書

巧匠琢紫雲圓滿飽所欲猶恐墨華流環以此君束求用貴虛心失節焉

足錄 銘竹節硯 脩吾氏

余田生陰陽硯銘正書

福建金石志 附錄一

九

陰陽硯銘

一開一閤其製維新互爲蔽障不受點塵

又銘

自我作古折旋中矩俯仰之間其利甚溥

梁章鉅跋云此銘無欸亦余京兆筆也

余田生海濤硯銘 正書

盈尺之石神靈所憑紫氣噴薄黃氣上升光搖碧落色襯金縉目極溟海怒濤層層不測者生物無所不有切琢者鬼斧稱之曰能

海濤硯銘

余田生硯銘 銘正書跋草書

直方溫栗能容受此欸此製得未有端溪一片青花雲飛來燕市落吾手

王寅十月幾望客京城見此研於小市以二百四十文購歸口占題識

又 正書

堅而不澀柔而能立厥思既集心手相習有古皆汲無遺不拾

王子上元余甸書

又正書

丹峽鍾靈藪蒼壁鬼工剖庖羲作龍書高陽誌科斗君若丁其時神奇無
不有展也席上珍淡濃皆可久 雍正壬子閏五月將歸郡邸芳初銘并
書

梁章鉅跋云脩吾芳初皆余田生之號

又正書

冰雪爲肌間紫碧落落晨星手可摘天然妙質世間無雖十五城不與易
梁章鉅跋云此亦余田生銘

又八分書

老坑石用汝作礪旣端莊雜以流麗好是正直益聰慧索我銘之學漢隸
梁章鉅云此亦似鹿原翁所作

福建金石志

附錄一

十

案末有兩小方印一甸字一書八分三字

又正書

雍正二年閏四月初八日召見養心殿賜臣余甸之硯恭紀聖恩子孫永

寶

又正書

澄泥硯色如炭膩如麤虫涎緣光滿面交久善金可斷銘者甸

又正書

雲氣蒸苗勃興苗則槁石田寶 辛亥二月甸銘

案辛亥爲雍正九年

又正書

練而紫光熊熊隱而顯花青蔥忽有兩道走迸空宛如銀漢亘天中又如
鴻溝割西東粹面盎背君子容名言在茲運無窮 辛亥長至日 甸銘

又正書

龍尾之溪孕此巨璞其光雷電其章追琢卽之也溫叩之如鐫一書九萬而墨常渥而手不覺以佐君子之學 辛亥深冬余甸書銘

又正書

大叩小叩羣疑皆剖游刃有餘龍蛇其走幽人之貞君子之守篤實輝光莫逆執友 甸銘 王子徂暑積雨新涼清曉偶書

又正書

切玉如截筒雲錦奪天工誰能奏此技德鄰顧老翁 芳初

又正書

水中月鏡中花品美石不爭差微雅欸顧大家 甸銘

又正書

片玉可以奇何必待盈尺 甸書

又正書

立不易方大不盈掌吐露文光騰騰萬丈 余甸

福建金石志

附錄一

士

又正書

媯補之餘昆劍所切綵翰搖風翠烟澄澈若決江河莫之或掣 王子莫春余甸書銘

又正書

受墨如落穉淬筆如霜鏑利用無窮得水不及一勺 甸

又行草書

用之可以過珪璧棄置還爲一片石 芳初

又正書

亦光明亦磊落可經常可盤錯處不爭慰離索 甸銘

又正書

混沌旣鑿開衆好在端硯得一可不孤多多且益善 甸

又正書

相期努力耕先公後私計君莫石田嫌留取商周制 甸

又正書

外似拙中朗徹若懸河不可竭而初無藉乎唇舌 甸銘

又正書

奇文欣共賞疑義相與析旦晝之所爲念茲勤夕惕芳初銘

案末有甸字小方印

又正書

蕉葉如翦青花滿身不逾三寸恰稱袖珍 余甸書

又正書

大小青花火捺霰隼蕉白金錢是不一類問大夫之富數硯以對 甸銘

案末有濯畦暇語小方印

又正書

奇氣所聚其光上升雲乃蒸露斯凝不折爾肱匪爾之能其惟茲耐久之

朋甸

福建金石志 附錄一

三

又正書

物可寶因人乃彰器適用磨礪斯良維茲玉田耕之則穫慎勿荒 芳初

又正書

瑜在握膚凝雪角微折載方策懲軋茁 甸銘

又正書

錦雲堆分一割寒不冰暑不渴以陳詞莫之遏 甸銘

又正書

莫精于中洞粹然者其出水之芙蓉莫良于眸子瞭然者如曉星之當空

甸

又正書

用貴有恒詞尙體要相對無言不測神妙 脩吾

又正書

眇然寸筵質潤心靈皇皇敬口守如此瓶 脩吾氏

又正書

閑雅甚都有目共賞遠近幽深不思則罔 王子黜九旬書

又正書

天命以石玉德金聲人製爲硯含章可貞子墨濃淡吞吐縱橫落筆工拙此渾不爭安敦几案神明默成慎爾出話先民是程 旬銘

又正書

厚重則少文孰堅而秀也遲鈍者匿采孰樸而茂也昭昭乎若揭日月而行也落落乎若引列星而就也上窺倉頡造字之初何問乎程邈史籀也長留渾渾噩噩之遺矧茲毛萇伏生所指授也 旬銘

又行草書

福建金石志 附錄一

三

電光一片若河水清漣空洞無物而腹笥甚便惺惺而如眠安安而能遷吾閱人多矣其惟汝賢 旬

又正書

古石鼓科斗字與峒嶠等奇邃今石鼓興所寄象其形會斯意出人工均天瑞古雄俊今細膩古莫致今同嗜古有十今可二三主人曰談何易 旬

又正書

寶物無假識之者寡晉曠審音孫陽顧馬 旬銘

又行草書

洞有石工則度之美如英匠斯削焉得諸他山可以錯安諸几案殊不惡客謂主人曰是固多取之而不爲虐 壬子冬日旬書

衍案未有業在硯田小印

又

混沌既鑿開衆好在端硯得一可不孤多多且益善 旬

又

几案珍經史口發清音接韶護 余旬

田生此書有子昂過秦論氣象同輩罕其匹也佳銘好硯令人未忍釋手
當寶藏之奕禱識

案銘正書跋行草書

許雪邨硯銘行草書

歲之辛卯余初入都卽攜此石偕行從此囊篋往返玉白花紅馬蹄驢背
披肝膽吐離奇回首十三寒暑相對猶記憶歷歷人生幾何計惟此論交
爲可久耳癸卯九月九日雪邨道人客於吳興之鷗波亭畔識之

案許均字叔調又字雪村友孫遇子康熙戊戌進士官至禮部郎中

又正書

端溪璞玉夜珠色探向驪龍頷下得吳趨嬌女女媧手鍊石如泥工剪刻
蚌形琢出月初圓秋水澄江練一幅案旁亦有玉蟾蜍對此垂涎敢吞蝕

福建金石志附錄一

古

鏤肝刻腎玉川子箋奏天公枉費墨何如研露寫烏絲翠袖佳人勤拂拭

壬寅九月九日雪邨居士

案末有雪邨二字小長方印

又銘八分書款行草書

亦雕亦琢未離於璞蘊翰墨之精華還天地之淳樸 丁酉花朝銘於玉

琴書屋雪邨均

林渭雲硯銘正書

攜之深山一握爲笑松風謖然助我長嘯 北隴情農

林在峨跋云二兄渭雲所銘文字俱古拙有別致今移居北山日聽松
風應寄我長嘯篇傳空谷之響也

案渭雲名在華侗子監生在義字涪雲信子與修古今圖書集成叙知
縣

林洙雲硯銘篆書

大不盈掌亦琢乃成始製文字新發于硯 戊申花朝蒼巖銘付璟兒

林正青自識云此余爲兒子璟銘石爲穎雲兄粵遊所貽

衍案正青字沫雲號蒼巖以歲貢生薦官鹽大使

又正書

採得玄精一掌舒携遊五岳紀居諸雲屯池上飛鸛鶴遙望清光滿太虛

己未重陽前二日銘于都下蒼巖

林涪雲硯銘

八分書

鐵可穿石可勒發爲文章星輝玉潔 庚戌春日勒奉甯軒二兄 在峩

范熙溥跋云峩翁字涪雲乾隆初元再遊京師大學士趙國麟目爲國

士將特薦之未上國麟罷遂歸寓胥江之板橋有樓曰環翠日與諸名

士文酒過從或寫意作竹石花草所著有陶舫集硯史各若干卷

案末有歸耕南畝四字小方印在峨二字兩小方印

又八分書

福建金石志

附錄一

五

小窗書幌相嫵媚令君曉夢生春紅 在峨

長甯殘石硯

石產長甯溫潤密緻納諸華表不解此義二百年來坊廢石墜器得所歸

高齋位置出處有時神品無棄既經破壁物色焉避 此石出長甯虞公

峽而藏於前輩張半洲公木坊上近日坊敝鄉人拾此轉售於德泉先生

製爲硯以示余余因紀其事而銘之王子上元旬書 虞公峽色如墨製

作研惟食墨經品題踰珪璧貽哲匠爲鐫石王子春日在峨

林正青跋云張半洲經明嘉靖間太司馬總督江浙□□□□破

倭爲東南戰功第一後趙文華陷之以死士論惜之坊在福州文儒里

今石藏太史陳德泉家余京兆爲之銘一又云此硯兩旁一余京兆書

一吾弟涪雲跋

梁章鉅跋云以石置坊中誠不解其何故然半洲之蹟自此顯著夫豈

偶然

衍案此硯刻字三段第一段八分書第二段行草書第三段篆書德泉名治滋

黃莘田井硯銘

一八五八飛泉仰流

又 猗天凍而哦環堵兮嚼寒久於肺府唯鼠須其修綆兮晨不爨以汲古 莘田任

雲一握紡絲縠凝紺雪泉湧出可用汲冽乃食惟勿幕並受福 甸

衍案黃銘二段皆篆書有黃任二字二小印余銘正書有田生二字小

長方印莘田永福人康熙舉人官廣東四會知縣自號十硯老人

黃莘田硯銘 正書

活活潑潑元氣淋漓兮流行觸發沛然莫之能遏確乎其不可拔虛中開

豁方外包括匪斤斤乎風批而月抹 康熙五十八年六月三日莘田

又 行草書

福建金石志 附錄一

六

汝是端人質有文相將致雨更興雲而今獲落持無用只寫羊欣白練裙

莘田

又 行草書

雨暗羚羊半壁昏何年浸着紫雲根野夫割去山窗玩認得蠻溪舊漲痕

案末有黃任二小方印

又 篆書

追琢其章柔嘉維則穆如清風君子之德 雍正二年三月 黃任

梁章鉅云莘田先生篆書僅見此銘或出鹿翁捉刀乎

案末有黃任二字二小印

又 八分書

昌谷愛苦吟古錦製方底我以石爲之曉窗臨乞米 莘田

案末有凍井山房四字小方印

又 行草書

溫而栗麗以則是錯是攻剛克柔克動而宣哲人之言靜則蘊恭人之德
乾隆二年十月黃任爲玉和銘 莘田

又

巖穴青雲 篆書

萬里龍沙石護雲月天作我硯伊誰鑱劖伴几顏軒匪朝伊夕黃公莘田
水晶仙客牀頭寶藏遠寄此石有月有雲題曰結隣庶幾似之母汨我真
銘以志焉示我後人 乾隆辛酉柑月拙菴跋翁銘

衍案四篆書下有黃任之印香草齋兩小方印

黃莘田硯

敬其體以守墨象其用以畜德譬農夫之力穡戒將落於不殖 甲午花

朝銘

剖來青紫玉如泥幾度經營日馭西一自神君拂袖去至今魂夢遶端溪

右請 莘田先生鑒政 甸

福建金石志 附錄一

七

衍案鹿原銘居中正書有鹿原二小印余行草書分兩邊詩在右款在
左末有田生青玉山房二小印

周瑞峰硯銘

捫參歷井 篆書

余爲香亭侍郎作集序香亭以此研潤筆有小印曰瑞峰知爲周公紹龍
之故物又小篆捫參歷井字蓋其官翰林時嘗以丈量使四川因池作井
欄故借以紀行云乾隆乙卯七月曉嵐題

衍案紹龍閩縣人字允乾雍正癸卯進士官至順天府丞此硯銘四字
篆書而井字作池不與上三字平列紀跋正書

又

捫參歷井

衍案此硯四字平列與前硯不同下有瑞峰玉枕山房益都使星三小

印